

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)

Ni kunvenas lunde je la 18,30 en Rodríguez San Pedro 13-3°-7

Redaktas kaj eraras: Lupe Sanz

JANUARO 2006

En aparta folio ni inkludas, por nia membraro, la memoron de aktivaĵoj kaj kontoj de 2005.

ĜENERALA KUNVENO DE MEL

La Prezidantino de Madrida Esperanto Liceo kunvokas vin ĉeesti la kunvenon, kiu okazos lastan lundon de januaro (30an) je la 18.30 en unua kunvoko kaj je la 19.00 en dua, en Rodríguez San Pedro 13-3°-7, laŭ la sekva tagordo:

- 1.- Informo pri membraro
- 2.- Legado kaj eventuala aprobo de la antaŭa protokolo (Vidu "Nia Voĉo" 2005-02)
- 3.- Detala raporto pri MEL-agado dum la jaro 2005 (Vidu "Nia Voĉo" 2006-01)
- 4.- Prezento de programo realigebla por la jaro 2006 ("Nia Voĉo" 2005-12)
- 5.- Aktuala konto-stato de MEL (Kune kun "Nia Voĉo" 2006-01)
- 6.- Buĝeto por 2004 (Kune kun "Nia Voĉo" 2005-12)
- 7.- Sugestoj kaj demandoj.

Cele al bonorda kaj pozitiva funkciado de nia organizo, la Estraro restos danka, se iuj gemembroj akurate ĉeestos tiun Ĝeneralan Asembleon.

NOVA LIBRO

Sezonoj (Kaliningrado, Rusio) eldonis novan libron pri "Satiroj kaj humuraĵoj pri Esperanto kaj esperantistoj".

Ĝi enhavas amuzajn rakontojn verkitajn far Miguel Gutiérrez Adúriz (Liven Dek), Jorge Camacho kaj Gonçalo Neves, famaj membroj de la Iberia Skolo.

FUNDACIÓN SUBVENCIONES AL MEL

Ĉiujare Fundación, laŭ siaj statutoj, subvencias la laboron de E-grupoj kaj aktivuloj favore al Esperanto. En 2005 la eldono de la libro "El hombre que desafió a Babel" estis subvenciita kaj Madrida Esperanto Liceo ricevis 400 eŭrojn de la Fondaĵo. La subvencio permesis al la Liceo plilongigi la oferton ĉi sube priskribitan ĝis la fino de 2006.

"EL HOMBRE QUE DESAFIÓ A BABEL"

Hispana versio de la biografio de Zamenhof, verkita de Masson/Centassi, tradukita far membroj de Madrida Esperanto-Liceo. La prezo de la libro estas 20 eŭroj sed dum 2006 Madrida Esperanto-Liceo havas grandan oferton:

po 23 eŭroj vi ricevos **"El hombre que desafió a Babel"** kaj **"Nuevo Método de Esperanto"**; la prezo inkludas sendokoston al Hispanio.

Antaŭpago necese al la konto je la nomo de Madrida Esperanto Liceo ĉe Banco Sabadell/Atlántico numero 0081/7110/98/0001266730

4-A CENTJARIĜO DE "EL QUIJOTE"

En decembro okazis la lastaj eventoj pri la Centjariĝo, inter ili la donaco de El Quijote en Esperanto al la jenaj bibliotekoj: Castilla y León, Casa de Guadalajara, San Fernando de Cádiz, Segovia kaj Pontevedra.

En Telde (Kanario) kaj en Albacete du ekspozicioj pri Don Kiĥoto havis la tradukon al Esperanto.

Kaj, kiel brila kulmino de la Projekto Kiĥoto-2005, Hispana Esperanto-Federacio preparas la eldonon de libro "Don Kiĥoto parolas Esperanton" en la hispana kaj en Esperanto, kun la desegnoj de la konkurso "Tia mi vidas Don Kiĥoton" kaj kelkaj prelegoj pri la verko de Cervantes.

APERIS VERSIO 14 DE PLENA MANLIBRO DE ESPERANTA GRAMATIKO

Bertilow Wennergren, membro de la Akademio de Esperanto, ĵus aperigis en la reto la 14an version de sia fama PMEG (Plena Manlibro de Esperanta Gramatiko). Oni povas ĝin konsulti aŭ elŝuti en la adreso: <http://bertilow.com/pmeg/>. Ĝi ankaŭ aperos baldaŭ libroforme eldonota far ELNA.

ESPERANTO EN AMASMEDIOJ

Okaze de la Tago de la Esperanto Libro, Pedro Hernández estis intervjuita dum dek minutoj de Radio Sol, loka radio en Aspe (Alikanto). Je la fino oni elsendis kanzonon en Esperanto "Mi malbenas militon", kiun la parolistino trovis en Interreto.

Ankaŭ Toño del Barrio salutis dulingve kaj anoncis la programerojn en Madrido de la Tago de la E-Libro en Onda Madrid.

VERDAJ EŬROPARLAMENTANOJ

La retpaĝaro de la verdaj eŭroparlamentanoj estas videbla en Esperanto kaj en pluraj eŭropaj lingvoj. Laste aldoniĝis la kataluna versio dank'al la laboro de nia samideano Guillem Portell. Jen ties retadreso:

Hispana: <http://ikso.net/verduloj/testo-onesta/index.php?lingvo=es>

Kataluna: <http://ikso.net/verduloj/testo-onesta/index.php?lingvo=ca>

Esperanto: <http://ikso.net/verduloj/testo-onesta/index.php?lingvo=eo>

HISPANA ESPERANTO-FEDERACIO

La Sekretariino, Carmen Suárez, deĵoras lunde vespere (18,30-20,30h), dum aliaj tagoj vi povas faksi au telefoni al 91 446 80 79 (aŭtomata respondilo) au kontakti rete:

admin@esperanto-es.net

La reta domeno www.esperanto.es finfine apartenas al HEF. Ĝi estis aĉetita de esperantisto Antonio Rey kiu transdonis la rajton al HEF. Tuj ni povas uzi la novan paĝaron dediĉita, laŭ volo de S-ro Rey al la instruistoj de la **Liceo de Callosa de Segura**, Alicante, kiuj antaŭ dudek jaroj esperantigis multajn lernantojn per sia perkoresponda kurso. Dank'al ili, *la akvo estas abunda, la abelo produktas mielon, la ĉielo estas blua*.

Pedro Hernández okupiĝas pri la respondo al la vizit-libro de la paĝaro de HEF.

LA INFORMO GRIN NUN EN ESPERANTO

En la lasta numero de Nia Voĉo ni menciis la gravan informon de profesoro François Grin, de la Universitato de Genevo, rekomandanta Esperanton. La franclingva informo estas nun tradukita esperanten; vi povas ĝin legi en dulingva prezento en la adreso: <http://www.tejo.org/uea/Grin>

VENONTAJ PROGRAMOJ EN MADRIDO

Niaj konversacia-rondoj okazas ĉiulunde, ekde la 18.30 h, en RODRÍGUEZ SAN PEDRO 13-3º-7 . Tel. 91 446 80 79.

CURSO PRESENCIAL DE ESPERANTO EN VALLECAS

Curso gratuito impartido por Pedro Hernández los sábados a partir del próximo 21 de enero en la Librería Muga, Avda. Pablo Neruda, 89 - Tfno: 915079084/85

17:00 - 18:30 Iniciación.

18:30 - 19:30 Nivel medio

Se ruega confirmar previamente la asistencia en la librería.

ESPERANTO LICEO DE MADRID

Asociación de Utilidad Pública Municipal
San Alejandro 6- 4ºB EXT
28005 Madrid